



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1618. usque ad annum 1620

**Fleury, Claude**

**August. Vind. [u.a.], 1777**

**VD18 90118847**

§. 76. Austriæ inferioris Ordinum Legatus ad Maximilianum Bavarix  
Ducem decretus.

---

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

Sæc. XVII. Starenbergicam, & Hagenum oppidum  
 A. C. 1620. ejectis omnibus Catholicis occupassent,  
 & Hungari quoque, qui in opem Bo-  
 hemis missi erant, die duodecima Julii  
 excursione Suolchinum versus facta,  
 oppidum, præliario Cæsaris milite  
 trucidato, deprædati fuissent, indeque  
 Budivitium excurrentes, pecora abe-  
 gissent, fuis ad Crumaviam quingua-  
 ginta Cæsareis Equitibus.

## §. LXXVI.

*Austriæ Inferioris Ordinum Legatus  
 ad Maximilianum Bavaricæ  
 Ducem decretus.*

*Barre Hist. d' Allemagn. tom. 9.* Hisce violentiis commotus Bavaricæ  
 Dux, jamjam admoto milite ultio-  
 nem parabat, cum Superioris Austriæ  
 Ordines die decima nona Julii eundem  
 Sigmarium Centurionem ad Maximilia-  
 num ablegarent, sciscitatum, quo hæc  
 „Ducis expeditio spectaret, cum ipsi  
 „nil hostile unquam contra Bavoriam  
 „meditati essent, proin exercitum suum  
 „ab Austriæ finibus amoveret, ne novi  
 „orirentur tumultus, sicut nuper rustici  
 „ad Boici exercitus rumorem in arma  
 „coivissent, mox tamen ab Ordinibus  
 „a proposito revocati. „ Ad hæc re-  
 spondit Dux Centurioni, se proxime Le-  
 gatos suos ad Austriæ Proceres Lincii  
 con-

Sæc. XVII.  
A. C. 1620.

congregatos decreturum. Die igitur vigesima ejusdem Mensis Maximilianus Laurentium Benfinum, & Reinachium ablegabat, qui Ordinibus significarent, rem in eo esse, ex Cæsaris voluntate, ut nisi sponte resipiscerent, lata de iis proscriptionis pœna sumeretur: postea Benfinus injurias Mathiæ, & Ferdinando Imperatoribus illatas eis exprobrans, Et vos, prosequabatur, vos, qui jam inde propemodum ab initio motuum istorum, rebellionis Consilia Bohemicis turbis immiscuistis; qui Turrianum Viennæ portis, ac mœnibus hostiliter non semel imminuentem, omni subsidio juvistis; qui Cæsariibus e diverso, copiisque Cæsarianis aditum, transitum, commeatum, & annonam, intercidiistis: qui vias, calles & sylvas, obicibus arboreis occlusistis; Danubium, catena junctum, navigationibus impervium reddidistis; Cæsarium duorum delectus militares impedistis; e vestro contra corpore decimum quemque legistis adversus Cæsares; & hujus ipsius, in qua loquor, urbis arcem præsidii insedistis, qui milite vestro Melicense vexastis asceterium, & inferioris Austriæ loca pacata, Regique suo morigera, turbastis, impugnastis, & diripuistis, Cæsariibus tributa legitima negastis; vestros autem in usus, & delectus, indixistis, ac collegistis: imperatoria mandata dehortationes & edicta, flocci fecistis, &

Tt 2

idcir-

Sæc. XVII. idcirco proscriptionis in fulmen incidistis:  
A. C. 1620. Vos denique, quos ob ista taliæque complu-  
 ra, læsæ Majestatis delicta, Cæsarea Ma-  
 jestas eadem novissime pridie calendas Ju-  
 lianas, Imperii perduelles proclamavit. Et  
 ut hostes Reipublicæ Christianæ publicos  
 plectendos, edicto pronuntiavit. His ita  
 exprobratis ita prosecutus est: Ad  
 horum autem scelerum vindictam, Impe-  
 rator suas commisit vices Maximiliano  
 Duci nostro, cum summa potestate de fa-  
 cinorosis vobis justa supplicia sumendi,  
 nisi hac denuntiatione permoti, pacis ve-  
 niæque a Cæsare impetrandæ consilia am-  
 plexi fueritis, fœdera igitur cum Bohe-  
 mis juncta, rescindite. Fœderis exemplar  
 penes Ducem nostrum deponite. Jura-  
 mentum eis nuncupatum ejurate. Redite  
 vos ad obsequium, Et in eadem, a redi-  
 tu deinceps, fide, qua qui sanctissima, per-  
 stituros, fidem Sacramento sulcite. Sa-  
 cramentum autem Maximiliano Duci, tan-  
 quam ipsi Cæsari præsentî, præsentis di-  
 cite. Linzium Urbem, Urbis arcem,  
 præsidium arcis Et provinciam, una vo-  
 biscum, ei dedite. Danubium, Et vias  
 ceteras, transituris hucusque clausas, qua-  
 les antehac fuerunt, apertas perviasque  
 reddite. Pacta quæcunque, cum quibus-  
 vis (etiam extra Bohemos) Cæsaris ini-  
 micis inita protinus abolete. Deliberandi,  
 quid in hæc acturi sitis, spatium, moram-  
 que

que vel nullam vobis vel non plus dierum Sæc. XVII. A. C. 1620.  
 quinque, capitote. Diem sextum scitote, A. C. 1620.  
 cunctis ex æquo fore decretorium: mori-  
 geris, ad præteritorum veniam: in contu-  
 macia manentibus ad supplicia.

His perceptis Ordines responderunt, quinque dierum spatium eis præstitutum nimis angustum fore, proin petere se, ut Dux illud laxare haud gravaretur, eoquod ad diem vigesimam septimam Julii conventum indixissent, de rei summa acturi.

## §. LXXVII.

*Homagium ab Austria Ordinibus  
 Cæsari præstitum.*

Attamen Bavarix Dux, cum ad ac- Lotich. rer. Germ. l. 7.  
 cersenda Bohemorum, & Mans- cap. 4.  
 feldii auxilia temporis prorogationem Annal. Boic. p. 3. l. 5.  
 ab Ordinibus peti odoraretur, in tem- Brach. Hist. pag. 42.  
 poris denunciati decreto permansit: nec  
 vana erat ejus suspicio; quippe Ana-  
 fini Ordines non modo evoluta quinque  
 dierum mora non comparuere, sed in-  
 super Hungarorum & Bethleni auxilia  
 implorarunt, & rustici Ernestum Ludovicum Saxo - Lavenburgicum Ducem  
 die vigesima sexta Julii in pago *Aischau*  
 dicto, unacum quodam Nobili ejusque  
 famulo misere trucidarunt, eoquod in-  
 ter prandendum ad plebeios furiosos